

BRITT

Ce štéa na vota nu signore che tenèa nu cane che ze chiamava Britt.

‘Štu signore avèa ‘nznate a u cane a j’ a ‘ccattà u giornale, a j’ a ‘ccattà la carne a la bécchéria e a fa aute zrùizie.

U patrone l’éva fatte na spèce ‘e vorza e ce la mettèa ‘nganne, ce mettèa réntre u bigliètte e le solde e le dicèa: Britte va a piglià u giornale e Britt ive addò u giurnalaie. Oppure le dicèa Britt va a piglià la carne e Britt ive a la bécchéria.

U giurnalaie o u macellare liggévene u bigliètte e le révene la robba.

Britt éva nu paštore bèlga, tutte nire.

Se manche a le cane, mò ce vo’, cacchérune prùuave a pigliarle la rrobba, pover’a isse (ne avésse putute ‘raccuntà caccose nu tizie che ze vulèa frecà la carne a chille tiémpe: pe poche nne le štaccatte la mane e u ruscecatte pure u vracce!)

Roppe na quinecina r’anne u patrone murètte. L’anne prime éva morta pure la moglièra.

U figlie ‘e ‘štu signore vevéva fore paése, a Napule e penzatte de fa ‘mmantené u cane a n’amiche du patre che štèa a Varanièlle. Le rètte pure caccose ‘e solde p’u fa magnà cumme éva štate abbetuate da u patre.

Sé non ché, Britt ze ne jètte e menètte a Campuasce e jètte a trùuà u patrone a u cemetére e là ze ne štèa tutta la jurnata a chiagne ‘ncopp’a la tomba d’u patrone.

U prijuole ch’ u verètte, cercave ‘e scacciàrle, ma Britt facèa finte ‘e irzene e po’ zitte zitte turnave ‘ncopp’a la tomba d’u patrone, finché u prijuole nne le dicètte chiù niénte penzanne: ma po’ ché male fa u povere cane!

Ma ce šta sèmpe caccherune che tè’ la zèlla. ‘Šta zellosa jètte a réclamà ca nenn’éva giušte ca nu cane štésse rént’a u cemetére.

U povere prijuole cercatte de scacciarle n’auta vota a Britt, ma Britt ‘nze ne ija. Accusì u prijuole pe nn’avé nu rimbrovare da u sinneche, chiamatte a Ciccille u ‘cchiappa cane.

Ciccille jètte ca vulèa piglià la bèštia, ma rumanètte ‘abbate, ca la truatte morta ‘ncopp’a la tomba d’u patrone. Povere Britte.

Ci avèa penzate u Signore (Sciè sèmpe laurate!) a fa la volontà de Britt.

E po’ dice ca l’ome tè’ core!!!